

مستقل قلم

مطبعة و محل اداره :

جفبال اوغلنده امنيت
صندوغى جوارنده
شنكول يقوشنده
۲۲ نومبر

سلگزمه موافق آثار
جديه مع المنونيه
قبول اولنور

درج ابدله بن آثار اعاده اولنور

دین ، فلسفه ، علوم ، حقوق ، ادبیات تاریخ ، سیاسیات و بالخصوص احوال و مشورہ اسلامیه بحث ابرور هفته به نشر اولنور .

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

در سعادتده نسخہ سی ۵۰ باره در

قیرلهدن مقوا بورو ایله کوندربلیرسه سنوی
۲۰ غروش فضله آلدر

۱۰ تموز ۱۳۲۴

آبونه بدلی

سنگلی	القی آتانی	غروش
۶۰	۲۵	۲۰
۶۰۰	۲۵۰	۲۰۰
۱۷	۹	فرانق

عدد : ۱۶۳

۲۶ شوال ۱۳۲۹ پنجشنبه ۶ تشرین اول ۱۳۲۷

یدنجی جلد

مسلمانان و مسلمانان

مسلمانان و مسلمانان حاله برنظر

مابعد :

بز شیمدی شو حاله ، طبق آجافدن اولوم درجه سه کیش
ایکن ، کوزلرینک اوکننده کی یمکه الی اوزاقمه اوشه نوبده اویمک
آغزلرینه کیرمسنی بکله یین مسکینلره بکزمه میورمی یز ؟
بزم ایچون عینله بذالت دگیدرکه قیمتی و قتلریمی امیل زولا-
لرک ، پول بورزه لرک ماسالارینه هدر ایدیورزده او وقتک الاوافق
بر قسمی اولسون ، بوتون اسرار کائناتی سینه هحافنه نقش ایتش
اولان ، شو کتاب مینک مطالعه سی ایچون فدا ایتورز ؟
تمدن ، تنور ادعاسنده بولنیورز ؛ سرار خلقی کشف ایله اوغرا-
شان متمدنلره بکزمه میه یاتنیورز ؛ ایچمزدده کی چالیشمایانلری ، عطالته
موت معنوی ایله محکوم ایدیورز ؛ اجتماعاتده سبسرک ، سیاسیاتده
غامتارک ، تی برک ، فلسفیاتده ربونک نظریاتنه قارشى رکوع حیرته
واریورزده المزدده کی کتاب الهینک اسرارلرینه بر نظر امان بیله
عطف ایتورز ، او کتاب الهینک که بوتون علمای جهان قالدسه لرده
ترجمان اولدنی بدایعی ، حکمی احاطه ایچون عمرلر صرف ایتسه لر
تکملانی شوبله طورسون بر جزئی بیله محیط اوله مازلر !
غالبا بانقهلرینی تقلید ایدیورزده عقلسزلقیه اتهام اولنماق ایچون
امور دینیله ایله اشتغال ایلمکدن صیقیلیورز . اکر بویله ایسه بوتقلید
یک کورکورینه بر تقلید اولور که کتاب سماویمک صحائفی اوزرندن
کر دیرله جک اوفاجق بر نظر اودرکه یه دوشمکدن بزی آلیقویه
بیلیر . ذرا او زمان رای العین کورورز که مسلمانانق انزوا ایله ،

مسکینله امر ایدن ؛ خلقی کال ذلت ایچنده بر تعصبه سوق ایله یین ؛
یاخود کرک مدنیت حاضره نك ، کرک مستقبه نك مطالبه کلیاً منافی
اوله جق صورتده وجودی آغیر برطاقم عبادات ایله ازوب بیتیرمه یه
محکوم براقان بر دین دکل ایش . بالعکس سعی و عمل ایله امر ایدز ؛
نظرلرده ریاست و سیادت ، علو و مجد همنی آله بیلیدیکنه یوکساتن ؛
انسانلری فضائله ، معالی یه طوغرو کوتورن بر دین ایش . هم بونلرک
هپی اوله بر طاقم حکمتلره تأیید اولمشدرکه فیلسوفلرک حکمیات
موضوعه سی اونلرک یاننده کونشه قارشى طوطولش قنبدیل ضیاسی
قدر سونوک قایلر .

شو حالده اسلامک معالیمندن بحث ایدن آدم سه مقامی دلائل
ناطقه ایله کوستریله بیله جک بر طاقم افکاره ترجانلق ایتش اولماز ،
بالعکس قاطر حکیمک انسان فوق الحیالی تفسیر ایلمش اولور . اوله
حکمتلر سویلرکه ابدیاً جرح اولنه ماز ؛ اوله نظریلر سرد ایدرکه
شو کائنات خموشک هرذرسی اونلری تأیید ایچون بر انسان کسپلیر ؛
اوله قاعده لر دن خبر ویررکه خللدار اولمش ، حکمدن دوشمسی
تصور ایدیلمز ؛ اوله اساسلر میدان قویارکه بوتون اجتماعیات اونلره
استناد ایده جکی کبی بشر خللزار عرفانی انجق او اساسلره یوکسلرک
سیر ایده بیلیر ؛ اوله نورلر صاچارکه صمیم قلبه کیره رک اوراده ابدیاً
غروب ایتز بر کونش یاراتیر . ایشته ار شمس حقیقتک ضیای کزینی
انسانه شو بولانیق حیاتک قاراکلق چوللرینی تنویر ایدر ؛ اللری
ایقلازینی هر طرفدن باغلایان زنجیرلری چوزر ؛ دهرک سینهلرده
آچدینی جریملری قاپاتیر ؛ روحی او هام و خیالات شائبه لرندن تطهیر
ایدر . هیجان قدیمندن فارغ اولان روحده آرتق سعادت حقیقیه سی
آرامیه ؛ فقط اصل منبعندن آرامویه باشلار ؛ اوکننده کی کثیف

